

KENYATAAN AKHBAR

PENGGUNA DINASIHATKAN MENGELAK DARI MENGGUNA PRODUK-PRODUK KOSMETIK YANG DIKESAN MENGANDUNGI RACUN BERJADUAL

Orang awam dinasihatkan untuk mengelakkan daripada membeli dan mengguna produk-produk kosmetik berikut:

Bil	Nama Produk	Nombor Notifikasi	Racun Berjadual yang dikesan	Nama Pemegang Notifikasi	Nama Pengilang
1.	TEMULAWAK WHITENING PEARL CREAM PAPAYA	NOT03090150K	Tretinoin	ZENITH VENTURES SDN. BHD.	RE-X PRODUCTS CO. LTD. THAILAND
2.	RATNA SARI WHITENING NIGHT CREAM	NOT080700826K	Tretinoin	SKY RESOURCES SDN. BHD.	SKY RESOURCES SDN. BHD.
3.	ATIKA BEAUTY RENEWAL NIGHT CREAM	NOT04082451KE	Hydroquinone	PEARL ELEGANCE HYGIENE BEAUTY PRODUCTS SDN. BHD.	CHEMI LAB COSMETIC INDUSTRIES
4.	CHANTIQUE – WHITENING NIGHT CREAM	NOT04121404KE	Tretinoin	SKY RESOURCES SDN. BHD.	SKY RESOURCES SDN. BHD.
5.	NV TONER TREATMENT NO 1	NOT05010130KE	Hydroquinone & Tretinoin	MAXBEAUTY INDUSTRIES SDN. BHD.	MAXBEAUTY INDUSTRIES SDN. BHD.
6.	NV TONER TREATMENT NO 2	NOT05010129KE	Hydroquinone & Tretinoin	MAXBEAUTY INDUSTRIES SDN. BHD.	MAXBEAUTY INDUSTRIES SDN. BHD.

Notifikasi produk-produk tersebut telah dibatalkan oleh Pengarah Kanan Perkhidmatan Farmasi berikutan pengesanan Racun Berjadual sama ada mengandungi **tretinoin** dan/atau **hydroquinone** di dalam produk tersebut.

Penggunaan tretinoin dan hydroquinone adalah tidak dibenarkan di dalam produk kosmetik kerana ianya boleh membawa kesan sampingan kepada pengguna sekiranya digunakan tanpa nasihat doktor.

Tretinoin boleh menyebabkan kemerahan pada kulit yang disapu, ketidakselesaan, kulit mengelupas dan hipersensitif kepada cahaya matahari.

Manakala hydroquinone boleh menyebabkan kemerahan pada kulit yang disapu, ketidakselesaan, perubahan warna kulit malah kulit menjadi hipersensitif. Kesan dari penggunaan hydroquinone boleh menghalang proses pigmentasi (dipigmentasi). Proses dipigmentasi mengurangkan perlindungan ke atas kulit daripada pancaran ultra ungu dan sinaran matahari berlebihan yang boleh memberi risiko kanser kulit. Dipigmentasi berlebihan berbahaya kepada penduduk yang tinggal di kawasan iklim tropika.

Sesiapa yang mempunyai stok produk di atas dinasihatkan menghentikan penjualan/ pengedaran/ penggunaan produk tersebut dengan serta-merta. Penjual adalah diingatkan **pemilikan untuk jualan** produk-produk ini melanggar Peraturan-Peraturan Kawalan Dadah dan Kosmetik 1984. Individu yang melakukan kesalahan di bawah Peraturan-Peraturan ini boleh dikenakan hukuman denda tidak melebihi RM25,000 atau penjara tidak melebihi 3 tahun atau kedua-duanya untuk kesalahan pertama dan denda tidak melebihi RM50,000 atau penjara tidak melebihi 5 tahun atau kedua-duanya untuk kesalahan-kesalahan berikutnya. Syarikat yang melakukan kesalahan boleh dikenakan denda sehingga RM50,000 untuk kesalahan pertama dan denda sehingga RM100,000 untuk kesalahan berikutnya.